



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ԿԱՆՁՆԱԺՈՂՈՎ**

## **ՎԵՐԼՈՒԾԱԿԱՆ ՏԵՂԵԿԱՆՔ**

**«Հաշվարկային կենտրոն» ՓԲԸ**

**2019 թվականի ներդրումային գործունեության  
մոնիթորինգի արդյունքները**

**ԵՐԵՎԱՆ 2020**

# Բ Ո Վ Ա Ն Դ Ա Կ ՈՒ Թ Յ ՈՒ Ն

Նախաբան.....3

## **ԲԱԺԻՆ 1.**

«Հաշվարկային կենտրոն» ՓԲԸ-ի 2019 թվականի ներդրումային ծրագրի կառուցվածքը և կատարման ցուցանիշները.....4

1.1 Ներդրումային ծրագրի կառուցվածքը.....4

1.2 Ներդրումային ծրագրի կատարման ցուցանիշները.....5

## **ԲԱԺԻՆ 2.**

«Հաշվարկային կենտրոն» ՓԲԸ-ի 2019 թվականի ներդրումային գործունեության մոնիթորինգի արդյունքները .....6

2.1 Բազմակետ տեսակոնֆերանսի համակարգի ձեռքբերմանն ուղղված ներդրումներ.....6

2.2 Անխափան սնուցման սարքերի ձեռքբերմանն ուղղված ներդրումներ.....6

2.3 Օդորակիչների ձեռքբերմանն ուղղված ներդրումներ.....6

## **ԲԱԺԻՆ 3.**

«Հաշվարկային կենտրոն» ՓԲԸ-ի հետագա սակագներով (ծառայության վճարով) փոխհատուցման ենթակա ներդրումների ծավալը.....7

Հղումներ օգտագործված նյութերին.....8

## ՆԱԽԱԲԱՆ

Սույն վերլուծական տեղեկանքը կազմվել է ի կատարումն ՀՀ հանրային ծառայությունները կարգավորող հանձնաժողովի (այսուհետ՝ Հանձնաժողով) 2019 թվականի դեկտեմբերի 18-ի №470Լ որոշումով հաստատված 2019 թվականի աշխատանքային ծրագրի 23-րդ կետի և արտացոլում է «Հաշվարկային կենտրոն» ՓԲԸ-ի (այսուհետ՝ Ընկերություն) 2019 թվականի ներդրումային ծրագրի (այսուհետ՝ Ներդրումային ծրագիր) մոնիթորինգի գնահատականը: Վերլուծական տեղեկանքում ներկայացված է Ներդրումային ծրագրի և փաստացի կատարված ներդրումների համադրությունը, դրանց արդյունավետության վերլուծությունը, ինչպես նաև սակագնով (ծառայության վճարով) փոխհատուցման ենթակա ներդրումների ծավալի գնահատականը: Վերլուծական տեղեկանքը կազմվել է՝ հաշվի առնելով Ընկերության Ներդրումային ծրագիրը [Որոշում] և վերջինիս կողմից հանձնաժողով ներկայացված 2019 թվականին երրորդ եռամսյակի փաստացի կատարված կապիտալացվող ծախսերով ձևակերպված ներդրումների մասին հաշվետվությունը [Հաշվետվություն]՝ քանի որ ներդրումներն ամբողջ ծավալով ավարտվել են երրորդ եռամսյակի ընթացքում:

## ԲԱԺԻՆ 1.


### «Հաշվարկային կենտրոն» ՓԲԸ-ի 2019 թվականի Ներդրումային ծրագրի կառուցվածքը և կատարման ցուցանիշները

#### 1.1 Ներդրումային ծրագրի կառուցվածքը

Ընկերության Ներդրումային ծրագրի շրջանակներում նախատեսված էր իրականացնել բազմակետ տեսակոնֆերանսի համակարգի, անխափան սնուցման սարքերի և օդորակիչների ձեռք բերման և տեղադրման աշխատանքներ: Ներդրումային ծրագրի ընդհանուր ծավալը կազմել է 5,1<sup>1</sup> մլն դրամ:

Գրաֆիկ 1-ում ներկայացված է Ընկերության Ներդրումային ծրագրի ծավալների բաշխումը հիմնական ուղղությունների միջև:

Գրաֆիկ 1



Ինչպես երևում է Գրաֆիկ 1-ից, ներդրումների մեծ մասը՝ շուրջ 74%-ը, նախատեսված էր բազմակետ տեսակոնֆերանսի համակարգի ձեռքբերման և տեղադրման համար, հաջորդ հատվածը՝ շուրջ 14%-ը, օդորակիչների ձեռք բերման և տեղադրման համար և 12%-ը՝ անխափան սնուցման սարքերի ձեռք բերման համար:

<sup>1</sup> Սույն վերլուծական տեղեկանքում ներկայացված բոլոր գումարները չեն ներառում ավելացված արժեքի հարկը:

## 1.2 Ներդրումային ծրագրի կատարման ցուցանիշները

Համաձայն Ընկերության փաստացի կատարված կապիտալացվող ծախսերով ձևակերպված ներդրումների մասին հաշվետվության՝ 2019 թվականի ընթացքում իրականացվել և շահագործման են հանձնվել 3 431,3 հազար դրամի ներդրումներ:

Ստորև՝ աղյուսակ 1-ում, ներկայացված է հանձնաժողովի հետ համաձայնեցված և ընկերության կողմից փաստացի ավարտված ներդրումների ծավալների համեմատականը:

Աղյուսակ 1

N	Ներդրումների ուղղությունները	Հանձնաժողովի հետ համաձայնեցված 2019 թվականի ներդրումների կանխատեսվող ծավալը		2019 թվականի ընթացքում փաստացի ավարտված ներդրումների ծավալը		Ներդրումային ծրագրի կատարման ցուցանիշը
		հազ. դրամ	%	հազ. դրամ	%	%
1	Բազմակետ տեսակոնֆերանսի համակարգի ձեռք բերում և տեղադրում	3 800.0	74.4%	2 820.4	82.2%	74.2%
2	Անխափան սնուցման սարքերի ձեռքբերում	585.0	11.5%	182.5	5.3%	31.2%
3	Օդորակիչների ձեռքբերում և տեղադրում	720.0	14.1%	428.4	12.5%	59.5%
4	<b>Ընդամենը</b>	5 105.0	100%	3 431.3	100%	67.2%

Ինչպես տեսնում ենք Աղյուսակ 1-ից՝ ամբողջ ներդրումների ուղղությամբ ծախսերը կատարվել են 67,2%-ով, սակայն անհրաժեշտ է նշել, որ Ընկերությունը 2019 թվականի Ներդրումային ծրագրով նախատեսված աշխատանքներն իրականացրել է ամբողջ ծավալով՝ նախատեսվածից 32,8% ցածր արժեքով:

## **ԲԱԺԻՆ 2.**

### **«Հաշվարկային կենտրոն» ՓԲԸ-ի 2019 թվականի ներդրումային գործունեության մոնիթորինգի արդյունքները**

#### **2.1 Բազմակետ տեսակոնֆերանսի համակարգի ձեռքբերմանն ուղղված ներդրումներ**

Այս ենթաուղղությամբ Ընկերության Ներդրումային ծրագրի շրջանակում նախատեսվում էր իրականացնել 3 800,0 հազար դրամի ներդրումներ:

Նախատեսված էր 2 884,2 հազար դրամով ձեռք բերել 30 կետի համար մեկ կոմպլեկտ տեսակոնֆերանսի համակարգ, 739,5 հազար դրամով՝ երկու հեռուստացույց և 176,4 հազար դրամով՝ պրոյեկտորի մեկ էկրան :

Համաձայն Ընկերության կողմից ներկայացրած 2019 թվականի փաստացի կատարված կապիտալացվող ծախսերով ձևակերպված ներդրումների մասին հաշվետվության՝ նշված ձեռքբերումներն իրականացվել են համապատասխանաբար՝ 2 192,7, 546,1 և 81,6 հազար դրամով, արդյունքում Ընկերությունը խնայել է 979,6 հազար դրամ:

#### **2.2 Անխափան սնուցման սարքերի ձեռքբերմանն ուղղված ներդրումներ**

Այս ենթաուղղությամբ Ընկերության Ներդրումային ծրագրի շրջանակում նախատեսվում էր իրականացնել 585,0 հազար դրամի ներդրումներ:

Համաձայն ներկայացված փաստացի կատարված կապիտալացվող ծախսերով ձևակերպված ներդրումների մասին հաշվետվության՝ 182,5 հազար դրամով ձեռք են բերվել ներդրումային ծրագրով նախատեսված 10 հատ անխափան սնուցման սարքերը, արդյունքում Ընկերությունը խնայել է ևս 402,5 հազար դրամ:

#### **2.3 Օդորակիչների ձեռքբերման և տեղադրմանն ուղղված ներդրումներ**

Այս ենթաուղղությամբ Ընկերության Ներդրումային ծրագրի շրջանակում նախատեսվում էր իրականացնել 720,0 հազար դրամի ներդրումներ:

Համաձայն ներկայացված փաստացի կատարված կապիտալացվող ծախսերով ձևակերպված ներդրումների մասին հաշվետվության՝ 428,4 հազար դրամով Ընկերության կողմից ձեռք են բերվել և տեղադրվել նախատեսված 4 օդորակիչները: Այս ենթաուղղությամբ ևս փաստվել է խնայողություն 291,6 հազար դրամ ծավալով:

### ԲԱԺԻՆ 3.

#### **«Հաշվարկային կենտրոն» ՓԲԸ-ի հետագա սակագներով (ծառայության վճարով) փոխհատուցման ենթակա ներդրումների ծավալը**

Սակագնով փոխհատուցման ենթակա ներդրումների ծավալի որոշման նպատակով վերլուծության ընթացքում իրականացվել են հանձնաժողովի հետ համաձայնեցված և փաստացի իրականացված ներդրումների ծավալների համադրում: Արդյունքում, պարզվել է, որ Ընկերության կողմից Ներդրումային ծրագրի շրջանակում ամբողջ ձեռքբերումները իրականացվել են նախատեսվածից շուրջ 1 673,7 մլն դրամ ցածր արժեքով:

Հաշվի առնելով մոնիթորինգի արդյունքները, ստորև՝ աղյուսակ 2-ում ներկայացված է Ընկերության կողմից 2019 թվականին փաստացի իրականացված և հետագա սակագներով (ծառայության վճարով) փոխհատուցման ենթակա ներդրումների ծավալի գնահատականը:

		Աղյուսակ 2 (հազ. դրամ)
1	2019 թվականի ներդրումային ծրագրով հաստատված ներդրումների ընդհանուր ծավալը	5 105,0
2	2019 թվականի ընթացքում իրականացված և ավարտված ներդրումների ծավալը	3 431,3
3	<b>2019 թվականի ընթացքում իրականացրած ներդրումներից հետագա սակագներով (ծառայության վճարով) փոխհատուցման ենթակա ներդրումների ծավալը</b>	3 431,3

## **Հղումներ օգտագործված նյութերին**

**Որոշում** 1- ՀՀ հանրային ծառայությունները կարգավորող հանձնաժողովի 2019 թվականի ապրիլի 3-ի N°75Ա որոշումը «Հաշվարկային կենտրոն» փակ բաժնետիրական ընկերության 2019 թվականի ներդրումային ծրագրին համաձայնություն տալու մասին»

**Հաշվետվություն** - «Հաշվարկային կենտրոն» ՓԲԸ-ի կողմից 2019 թվականին երրորդ եռամսյակի փաստացի կատարված կապիտալացվող ծախսերով ձևակերպված ներդրումների մասին ընկերության 2019 թվականի հոկտեմբերի 28-ի N°01/221-19 գրությամբ ներկայացված հաշվետվություն